



ZMC-SRHF COVID-19 TASKFORCE BULLETIN

Office of the Medical Superintendent
Zoram Medical College
State Referral Hospital, Falkawn

Issue No. 108

Date 05.07.2020 - 5:00 pm

► Vawiin hian ZMC, Falkawn-a Covid-19 laboratory chu Emergency Case a awm loh avangin khar a ni a, naktuk (Monday) zing dar 9:00 a.m ah test kalpui leh a ni ang. Nimin lama test 465-ah 443 an negative a, 22 positive hmuhchhuah thar an ni. Covid 19 vei hmuhchhuah tharte hi Mipa 19 leh Hmeichhia 3, kum 18 atanga kum 56 inkar, Aizawl mi 14, Lawngtlai mi 4 leh Siaha mi 4, State dang atanga lo haw, Quarantine lai mek vek an ni.

► Vawiin khan Falkawn damdawiinah Covid 19 damlo 15 leh vei rinhleh 2 admit thar an ni.

► ZMC-ah Covid 19 damlo mi 22 enkawl mek an ni a, harsatna em em nei an awm lo.

ZMC - SRHF COVID-19 Data as on 05.07.2020

Particulars	Last 24 hours	Cumulative
Suspected Cases *	2	256
Suspected sample tested *	2	255
Total sample positive *	22	183
Total confirmed cases	24	186
Active cases	24	54
Cured / Discharged	2	132
Death	0	0

ADMISSION as on 05.07.2020

Particulars	Last 24 hours	Total
ICU	0	2
Isolation Ward (Confirmed)	15	22
Risk Ward	2	2
Make Shift ICU Ward/SARI Ward	0	0
Holding Ward	0	4

* ZMC data only



Vawiin khan Khawzawl-a Covid19 damlo enkawl dam tawh mi 2-te discharged fel an ni a, District Level Task Force buatsaihna thlahna hun hman a ni.

BORUAK THALO KARA THIL THALO CHU!

Dr Evelyn Lalremsangi Hmar

Covid 19 chu hri thalo, boruak chhe tak tak khawvel pumpuia thlen mektu a nih thu sawi tam ngai lovin kan hre sa vek mai. Boruak thalo a thlen reng reng chuan manganna piah lamah thil thalo dang a ken tel ngei ngei chu thiamloh chantir / dem tur zawn hi a ni. Chutiang chiah chuan he hripui leng mek pawh hian a hrinchhuah pakhat chu indemna leh inhuatna niin, ram leh hnam thlenga indemna a hringchhuak a ni. Mizoram pawh kan bang lo. Positive case kan neih hmasak ber tuma kan thu tlangau pui uar tak pakhat chu INDEEM kualna a nih kha maw..

Hun a lo kal a, case kan neih belh mai lo a, chutih mek lai pawh chuan 'Kan test-na khawl a tha lo aniang, a test tu te' n an thiam lo aniang' lo ti tawk lah bo lo. A buaithlak thin asin.

Kan inthlahdah deuh a, 'Kan la him tawk lo' tiin mithiam zawkte' n fimkhur leh zual tura min chah lawm lawm reng lain positive case hmuh belh a han ni leh ta chiah chu enge kan buaina ni leh ta ber?

Video clip Sorkar leh Community Quarantine Centre lama duty te demna kan hmu nghal a, a positive-te dem rukna, chuanpui te demna, lo haw te kan dem ve bawk, chhungte kan lo vui, VLTF/LLTF te puh tawk lah bo lo, kan test dan kalphung leh test-na khawl kan neih tlem avanga a tanpui theihna hre miah si lo te' n Sorkar bawk an dem ve leh. Heng indem kualna hian boruak tih zangkhai aiin a ti ipik zualin i hre ve lo maw? I tih ve tho ka ring.

Thil tha duh tak tak te chuan thuawih takin ti tura hrilh an nih chu an ti a, a then rinawm takin an thawk a, a then tawngtaina lamah te an tang mai.

Nang leh kei aiin a mawhpurhna la tute hi an rilru a hah dawnin i hre ve lo em ni?

An ko rih dan tur hi i ngaihtuah ve chhin tawh em? I lo sawisel vak vak hian a puih i ring em? Positive-te leh an chhungte, a enkawltute hi an rilru a hah viau zawk dawn asin.

Thurawnte hi a pekna ni awmah chuan pek a tha viau mai, mahse insawisel leh indem zawnga heng boruak rit kara kan in beih hian mi rilru kan hliam theih bakah thil tha chu sawi loh, thil pawh zawk a thlen thei a ni.

He natna hi natna chhuak thar, khawvel ram ropui leh zirmi te pawhin an la chhut fiah hleithei loh a nih hre reng ila. Hmalatu tur ten an thiamna leh theihna sawm khawmin uluk takin an ngaihtuah mek zel a, chumi avang chuan kan ram pawhin hma kan sawn zel chu anih hi.

'Engtin nge he boruak hian ka tangkai ve theih ang?' tih hi kan thupui ber lo ni zawk se la, a chhanna chu- THUAWIHNA leh MIDANG HNA ZAHNA neiin tih hi a ni.

Kan himna tur chuan tudang mah ni lovin, nang leh kei kan pawimawh a, sawiseltu ni lovin Puitu lo ni ve zawk la, fak phute fak hreh lo la, tu chungah pawh he natna hi a thleng thei a ni tih hriain TAWNGTAINA nen mahni inven himna kawngah lo inthlahdah lo ang che.



COVID-19 INDIA
as on: 05 July 2020, 08:00 IST (GMT+5:30)

Sd/-
(Dr. H. C. LALDINA)
Medical Superintendent
ZMC-SRHE, Falkawn

COVID 19 AMBULANCE
Covid 19 lanchhuahna heng - Khawsik,
Khuhro, Thawk lama harsatna nei, inentir duh,
kalna nei silo Ambulance mamawh tan a
hnuai number-ah hian biak theih a ni.

102 (Toll Free)
0389-2322318 / 0389-2313000
9436150122, 7005337472